

Headline	DPP TNB bawa nama UUM ke Beijing		
MediaTitle	Utusan Malaysia		
Date	19 Apr 2014	Language	Malay
Circulation	173,387	Readership	699,000
Section	Supplement	Color	Full Color
Page No	26	ArticleSize	229 cm ²
AdValue	RM 4,526	PR Value	RM 13,578



DPP TNB bawa nama UUM ke Beijing

SERAMAI 10 orang mahasiswa dan seorang Penolong Pengetua Dewan Penginapan Pelajar Tenaga Nasional (DPP TNB), Universiti Utara Malaysia (UUM) telah mengadakan lawatan sambil belajar ke Beijing Foreign Studies University (BFSU), Beijing, China baru-baru ini.

Lawatan selama lima hari bermula 4 hingga 9 April itu bertujuan menggalakkan pelajar untuk menjadi lebih peka dan proaktif dalam mengetahui isu-isu semasa di peringkat antarabangsa, selain berfikir secara kritis dan inovatif.

Penolong Pengetua DPP TNB, Nik Baidzani Haddad Ibrahim berkata, program ini menjadi titik tolak dalam usaha membina serta menjalin erat hubungan baik antara UUM dengan institusi pendidikan antarabangsa. Antara tujuan lain adalah berusaha mencapai visi untuk menjadi sebuah universiti pengurusan terkemuka di persada dunia.

"Intipati lain lawatan ini juga adalah untuk mengadakan perbincangan bersama Persatuan Pelajar Malaysia BFSU mengenai beberapa perkara yang telah sekian lama dirancang di

antara kedua-dua pihak.

"Antaranya, mengenai isu 'Mobility Exchange', aktiviti berpersatuan dan keselamatan rakyat Malaysia di China sejak kejadian kehilangan pesawat MH370 berlaku," katanya.

Sementara itu, Pengarah Program Deligasi Pelajar Antarabangsa ke Beijing, Yuliza Erman pula mengucapkan ribuan terima kasih kepada Kerajaan Negeri Kedah khususnya Menteri Besar Kedah, Datuk Sri Mukhriz Tun Mahathir kerana sudi menghulurkan sumbangan bagi memastikan program tersebut dapat berjalan dengan lancar.

"Program yang dikendalikan sepenuhnya oleh mahasiswa UUM ini dipercayai mampu membentuk jati diri serta kepimpinan yang tinggi dalam kalangan mahasiswa yang secara tidak langsung dapat memberi balik sumbangan kepada kesejahteraan negeri ini," katanya kepada .com.

Delegasi tersebut juga tidak ketinggalan melawat beberapa tempat menarik di negara itu seperti Tembok Besar China, Kota Larangan dan kilang memproses teh. ●



PESERTA lawatan bergambar kenangan di hadapan Istana Larangan.